

周禮注疏

卷一
卷二

周禮注疏并校勘記

江苏工业学院图书馆
藏书章

丁仁煒署檢



光緒丁亥閏
夏點石齋遵
阮本重校印

欽定四庫全書總目周禮注疏四十二卷

漢鄭元注唐賈公彥疏元有易注已著錄公彥洛州永年人永徽中官至太學博士事蹟具舊唐書儒學傳周禮一書上自河閒獻王於諸經之中其出最晚其真偽亦紛如聚訟不可縷舉惟橫渠語錄曰周禮是的當之書然其閒必有末世增入者鄭樵通志引孫處之言曰周公居攝六年之後書成歸豐而實未嘗行蓋周公之爲周禮亦猶唐之顯慶開元禮預爲之以待他日之用其實未嘗行也惟其未經行故僅述大畧俟其臨事而損益之故建都之制不與召誥洛誥合封國之制不與武成孟子合設官之制不與周官合九畿之制不與禹貢合云云案此條所云惟召誥洛誥孟子顯相外異至禹貢乃唐虞之制武成周官乃梅賾古文尙書王制乃漢文帝博士所追述皆不足以爲難其說蓋離合參半其說差爲近之然亦未盡也夫周禮作於周初而周事之可考者不過春秋以後其東遷以前三百餘年官制之沿革政典之損益除舊布新不知凡幾其初去成康未遠不過因其舊章稍爲改易而改易之人不皆周公也於是以後世之法竄入之其書遂雜其後去之愈遠時移世變不可行者漸多其書遂廢此亦如後世律令條格率數十年而一脩脩則必有所附益特世近者可考年遠者無徵其增刪之迹遂靡所稽統以爲周公之舊耳迨乎法制既更簡編猶在好古者畱爲文獻故其書閱久而仍存此又如開元六典政和五禮在當代已不行用而今日尙有傳本不足異也使其作僞何不全僞六官而必闕其一至以千金購之不得哉且作僞者必剽取舊文借眞者以實其贗古文尙書是也劉歆宗左傳而左傳所云禮經皆不見於周禮儀禮十七篇皆在七略所載古經七十篇中禮記四十九篇亦在劉向所錄二百十四篇中而儀禮聘禮賁行饗饋之物禾米芻薪之數邊豆簠簋之實鉶壺鼎饗之列與掌客之文不同又大射禮天子諸侯侯數侯制與司射之文不同禮記雜記載子男執圭與典瑞之文不同禮器天子諸侯席數與司几筵之文不同如斯之類與二禮多相矛盾歆果贗託周公爲此書又何難牽就其文使與經

傳相合以相證驗而必畱此異同以啟後人之攻擊然則周禮一書不盡原文而非出依託可概睹矣考工記稱鄭之刀又稱秦無廬鄭封於宣王時秦封於孝王時其非周公之舊典已無疑義南齊書稱文惠太子鎮雍州有盜發楚王家獲竹簡書青絲編簡廣數分丈二尺有奇得十餘簡以示王僧虔僧虔曰是科斗書考工記則其爲秦以前書亦灼然可知雖不足以當冬官然百工爲九經之一共工爲九官之一先王原以制器爲大事存之尙稍見古制俞庭樞以下紛紛割裂五官均無知妄作耳鄭注隋志作十二卷賈疏文繁乃析爲五十卷新舊唐志竝同今本四十二卷不知何人所併元於三禮之學本爲專門故所釋特精惟好引緯書是其一短歐陽脩集有請校正五經劄子欲刪削其書然緯書不盡可據亦非盡不可據在審別其是非而已不必竄易古書也又好改經字亦其一失然所注但曰當作某耳尙不似北宋以後連篇累牘動稱錯簡則亦不必苛責於元矣公彥之疏亦極博核足以發揮鄭學朱子語錄稱五經疏中周禮疏最好蓋宋儒惟朱子深於禮故能知陳賈之善云

周禮注疏校勘記序

阮元撰盧宣旬敬錄

有杜子春之周禮有二鄭之周禮有後鄭之周禮周禮出山巖屋壁間劉歆始知爲周公之書而讀之其徒杜子春乃能略識其字建武以後大中大夫鄭興大司農鄭眾皆以周禮解詁著而大司農鄭康成乃集諸儒之成爲周禮注蓋經文古字不可讀故四家之學皆主於正字其云故書者謂初獻於祕府所藏之本也其民間傳寫不同者則爲今書有云讀如者比擬其音也有云讀爲者就其音以易其字也有云當爲者定其字之誤也三例既定而大義乃可言矣說皆在後鄭之注唐賈公彥等作疏發揮殊未得其旨繫元於此經舊有校本且合經注疏讀之時闕見其一二因通校經注疏之譌字更屬武進監生臧庸蒐校各本併及陸氏釋文元復定其是非凡言周制言漢學者容有藉於此其目錄列於左方

阮元記

引據各本目錄

單經本

唐石經周禮十二卷

每官分下篇醫師起爲天官下載師起爲地官下大司樂起爲春官下司土起爲夏官下布憲起爲秋官下玉人起爲冬官下

石經考文提要周禮一卷

經注本

經典釋文周禮音義二卷

錢孫保所藏宋本周禮注十二卷

宋槧小字本附載音義春官夏官冬官余仁仲本天地二官別一宋本秋官以俗本抄補非佳者臧庸據宋刻大字本秋官二卷校補

嘉靖本周禮注十二卷

分卷及款式悉與唐石經同每頁十六行每行十七字卷一末記經四千二百五十九字注八千四百一十四字卷四經四千五百一十一字注一萬一千六百八十八字卷五經四千七百七十九字注一萬三千三百三十六字卷六經四千五百五十四字注一萬七千九百九十一字卷七經三千六百一十五字注七千四百三十二字卷八經三千五百二十八字注三千三百八十三字卷九經四千二百六十二字注七千五百二十字卷十經三千九百八十七字注八千七百三十二字卷十一經一萬三千三百六十二字注七千六百一十二字卷十二經三千五百七十四字注七千二百四十四字

按此不附音義而勝於宋槧余氏岳氏等本當是依北宋所傳古本也

注疏本

惠按本周禮注疏四十二卷 盧文弨曰東吳惠士奇暨子棟以宋注疏本校疏以余氏萬卷堂本按經注音義書於毛氏

周禮經注校閱一過書共十二卷 卷一之末記肆阡貳伯伍拾陸字注疏本相按一過惠棟云盧見曾嘗得宋槧余仁仲

于萬卷堂卷二經叁阡陸伯捌拾字注壹萬叁伯伍拾陸字注貳阡伍拾陸字注叁阡伍拾陸字注肆阡伍拾陸字注伍

貳字音義貳阡伍拾陸字注壹萬叁伯伍拾陸字注貳阡伍拾陸字注叁阡伍拾陸字注肆阡伍拾陸字注伍

經肆阡伍伯伍拾伍字注壹萬捌阡叁拾伍字音義肆阡伍拾陸字注壹萬貳阡叁拾伍字注貳阡伍拾陸字注叁

字注柒阡肆伯叁拾捌字音義貳阡貳伯捌拾陸字卷八記經叁阡伍伯貳拾伍字注柒阡肆伯玖拾字音義貳阡伍

伍拾字余氏刊於萬卷堂卷九卷十卷十一字數關卷十二記經叁阡伍伯柒拾字注柒阡叁拾口字音義口阡叁拾壹

字余仁仲刊于家塾

附釋音周禮注疏四十二卷 每頁二十行故今稱十行本以別於闕監毛注疏本每半頁皆九行也內補刻者極惡劣凡闕監毛

本所不誤者補刻多誤

闕本周禮注疏四十二卷

監本周禮注疏四十二卷

毛本周禮注疏四十二卷

引用諸家

周禮注疏正誤十卷 嘉善浦鍾撰

禮說十四卷 東吳惠士奇撰天官二卷地官三卷春官四卷夏官二卷秋官二卷考工記一卷

周禮漢讀考六卷 金壇段玉裁撰每官爲一卷

周禮正義序

唐朝散大夫行大學博士弘文學士臣賈公彥等奉勅撰

夫天育蒸民無主則亂立君治亂事資賢輔但天皇地皇之日無事安民降自燧皇方有臣矣是以易通卦驗云天地成位君臣道生君有五期輔有三名注云三名公卿大夫又云燧皇始出握機矩表計真其刻日蒼牙通靈昌之成孔演命明道經注云拒燧皇謂人皇在伏羲前風姓始王天下者斗機云所謂人皇九頭兄弟九人別長九州者也是政教君臣起自人皇之世至伏羲因之故文耀鉤云伏羲作易名官者也又案論語撰考云黃帝受地形象天文以制官伏羲已前雖有三名未必具立官位至黃帝名位乃具是以春秋緯命庥序云有九頭紀時有臣無官位尊卑之別燧皇伏羲既有官則其間九皇六十四民有官明矣但無文字以知其官號也案左傳昭十七年云秋郟子來朝公與之宴昭子問焉曰少皞氏鳥名官何故也杜氏注云少皞金天氏黃帝之子已姓之祖也郟子曰吾祖也我知之昔者黃帝氏以雲紀故爲雲師而雲名注云黃帝軒轅氏姬姓之祖也黃帝受命有雲瑞故以雲紀事百官師長皆以雲爲名號縉雲氏蓋其一官也炎帝氏以火紀故爲火師而火名注云炎帝神農氏姜姓之祖也亦有火瑞以火紀事名百官也共工氏以水紀故爲水師而水名注云共工以諸侯霸有九州者在神農前大皞後亦受水瑞以水名官也大皞氏以龍紀故爲龍師而龍名注云大皞伏羲氏風姓之祖也有龍瑞故以龍命名官也我高祖少皞摯之立也鳳鳥適至故紀於鳥爲鳥師而鳥名又云鳳鳥氏歷正之類又以五鳥五鳩九扈五雉並爲官長亦皆有屬官但無文以言之若然則自上以來所云官者皆是官長故皆云師以目之又云自顓頊以來不能紀遠乃紀於近是以少皞以前天下之號象其德百官之號象其徵顓頊以來天下之號因其地百官之號因其事事即司徒司馬之類是也若然前少皞氏言祝鳩氏爲司徒者本名祝鳩言司徒者以後代官況之自少皞以上官數略如上說顓頊及堯官數雖無明說可略而言之矣案昭二十九年魏獻子曰社稷五祀誰氏之五官蔡墨對曰少皞氏有四叔曰重曰脩曰熙實能金木及

水使重爲句芒該爲蓐收脩及熙爲玄冥卅不失職遂濟窮桑此其三祀也注云窮桑帝少暉之號也顓
頊氏有子曰犁爲祝融共工氏有子曰句龍爲后土此其二祀也后土爲社稷田正也有烈山氏之子曰
柱爲稷自夏以上祀之周棄亦爲稷自商以來祀之故外傳犁爲高辛氏之火正此皆顓頊時之官也案
鄭語云重犁爲高辛氏火正故堯典注高辛氏之卅命重爲南正司天犁爲火正司地以高辛與顓頊相
繼無隔故重犁事顓頊又事高辛若稷契與禹事堯又事舜是以昭十七年服注顓頊之下云春官爲木
正夏官爲火正秋官爲金正冬官爲水正中官爲土正高辛氏因之故傳云遂濟窮桑窮桑顓頊所居是
度顓頊至高辛也若然高辛時之官唯有重犁及春之木正之等不見更有餘官也至於堯舜官號稍改
楚語云堯復育重犁之後重犁之後卽義和也是以堯典云乃命義和注云高辛之卅命重爲南正司天
犁爲火正司地堯育重犁之後義和氏之子賢者使掌舊職天地之官亦紀於近命以民事其時官名
蓋曰稷司徒是天官稷也地官司徒也又云分命義仲申命義叔分命和仲申命和叔使分主四方注仲
叔亦義和之子堯旣分陰陽四時又命四子爲之官掌四時者字曰仲叔則掌天地者其曰伯乎是有六
官案下驩兜曰共工注共工水官也至下舜求百揆禹讓稷契暨咎繇帝曰棄黎民阻饑汝后稷播時百
穀注稷棄也初堯天官爲稷又云帝曰契百姓不親汝作司徒又云帝曰咎繇汝作士此三官是堯時事
舜因禹讓述其前功下文云舜命伯夷爲秩宗舜時官也以先後參之唯無夏官之名以餘官約之夏傳
云司馬在前又後代況之則義叔爲夏官是司馬也故分命仲叔注云官名蓋春爲秩宗夏爲司馬秋爲
士冬爲共工通稷與司徒是六官之名見也鄭玄分陰陽爲四時者非謂時無四時官始分陰陽爲四時
但分高辛時重黎之天地官使兼主四時耳而云仲叔故云掌天地者其曰伯乎若然堯典云伯禹作司
空四時官不數之者鄭云初堯冬官爲共工舜舉禹治水堯知其有聖德必成功故改命司空以官名寵
異之非常官也至禹登百揆之任捨司空之職爲共工與虞故曰垂作共工益作朕虞是也案堯典又云
帝曰疇咨若時登庸鄭注云堯末時義和之子皆死庶績多闕而官廢當此之時驩兜共工更相薦舉下

又云帝曰四岳湯湯洪水有能俾乂鄭云四岳四時之官主四岳之事始羲和之時主四岳者謂之四伯至其死分岳事置八伯皆王官其八伯唯驩兜共工放齊鼬四人而已其餘四人無文可知案周官云唐虞稽古建官惟百內有百揆四岳則四岳之外更有百揆之官者但堯初天官爲稷至堯試舜天官之任謂之百揆舜卽眞之後命禹爲之卽天官也案尙書傳云惟元祀巡狩四岳八伯注云舜格文祖之年堯始以羲和爲六卿春夏秋冬者并掌方岳之事是爲四岳出則爲伯其後稍死驩兜共工求代乃置八伯元祀者除堯喪舜卽眞之年九州言八伯者據畿外八州鄭云畿內不置伯鄉遂之吏主之案明堂位云有虞氏官五十夏后氏官百殷二百周三百鄭注云有虞氏官蓋六十夏百二十殷二百四十周三百六十不得如此記也晉義云三公九卿二十七大夫八十一元士鄭云蓋夏制依此差限故不從記文但虞官六十唐則未聞堯舜道同或皆六十并屬官言之則皆有百故成王周官云唐虞建官惟百也若然自高陽已前官名略言於上至於帝嚳官號略依高陽不可具悉其唐虞之官惟四岳百揆與六卿又堯典有典樂納言之職至於餘官未聞其號夏官百有二十公卿大夫元士具列其數殷官二百四十雖未具顯案下曲禮云六大五官六府六工之等鄭皆云殷法至於屬官之號亦蔑云焉案晉義云三公九卿者六卿并三孤而言九其三公又下兼六卿故書傳云司徒公司馬公司司空公各兼二卿案顧命太保領冢宰畢公領司馬毛公領司空別有芮伯爲司徒彤伯爲宗伯衛侯爲司寇則周時三公各兼一卿之職與古異矣但周監二代郁郁乎文所以象天立官而官益備此卽官號沿革粗而言也

序周禮廢興

周公制禮之日禮教興行後至幽王禮儀紛亂故孔子云諸侯專行征伐十世希不失鄭注云亦謂幽王之後也故晉侯趙簡子見儀皆謂之禮孟僖子又不識其儀也至於孔子更脩而定之時已不具故儀禮注云後世衰微幽厲尤甚禮樂之書稍稍廢棄孔子曰吾自衛反於魯然後樂正雅頌各得其所謂當時在者而復重雜亂者也惡能存其亡者乎至孔子卒後復更散亂故藝文志云昔仲尼沒微言絕七十二弟子喪而大義乖諸子之書紛然散亂至秦患之乃燔滅文章以愚黔首又云禮經三百威儀三千及周之衰諸侯將踰法度惡其周亡滅去其籍自孔子時而不具至秦大壞漢興至高堂生博士傳十七篇孝宣世后倉最明禮戴德戴聖慶普皆其弟子三家立于學官案儒林傳漢興高堂生傳禮十七篇而魯徐生善爲容孝文時徐生以容爲禮官大夫而瑕丘蕭奮以禮至淮陽太守孟卿東海人也事蕭奮以授后倉后倉說禮數萬言號曰后氏曲臺記授戴德戴聖鄭云五傳弟子則高堂生蕭奮孟卿后倉戴德戴聖是爲五也此所傳者謂十七篇即儀禮也周官孝武之時始出秘而不傳周禮後出者以其始皇特惡之故也是以馬融傳云秦自孝公已下用商君之法其政酷烈與周官相反故始皇禁挾書特疾惡欲絕滅之搜求焚燒之獨悉是以隱藏百年孝武帝始除挾書之律開獻書之路既出於山巖屋壁復入于秘府五家之儒莫得見焉至孝成皇帝達才通人劉向子歆校理秘書始得列序著于錄略然亡其冬官一篇以考工記足之時眾儒並出共排以爲非是唯歆獨識其年尚幼務在廣覽博觀又多銳精于春秋末年乃知其周公致太平之迹迹具在斯奈遭天下倉卒兵革並起疾疫喪荒弟子死喪徒有里人河南綏氏杜子春尚在永平之初年且九十家于南山能通其讀頗識其說鄭眾賈逵往受業焉眾逵洪雅博聞又以經書記轉相證明爲解達解行於世眾解不行兼攬二家爲備多所遺闕然眾時所解說近得其實獨以書序言成王既黜殷命還歸在豐作周官則此周官也失之矣逵以爲六卿大夫則冢宰以下及六遂爲十五萬家紂千里之地甚謬焉此比多多吾甚閔之久矣六鄉之人實居四同地故云紂千里之地者

誤矣又六卿大夫冢宰以下所非者不著又云多多者如此解不著者多又云至六十爲武都守郡少
事乃述平生之志著易尚書詩禮傳皆訖惟念前業未畢者唯周官年六十有六目瞑意倦自力補之謂
之周官傳也案藝文志云成帝時以書頗散亡使謁者陳農求遺書于天下詔光祿大夫劉向校書經傳
諸子詩賦向輒條其篇目撮其指意錄而奏之會向卒哀帝復使向子歆卒父業歆於是摠羣書奏其七
略故有六藝七略之屬歆之錄在於哀帝之時不審馬融何云至孝成皇帝命劉向子歆考理祕書始得
列序著於錄略者成帝之時蓋劉向父子並被帝命至向卒哀帝命歆卒父所脩者故今文乖理則是也
故鄭玄序云世祖以來通人達士大中大夫鄭少贛名興反子大司農仲師名眾故議郎衛次仲侍中賈
君景伯南郡太守馬季長皆作周禮解詁又云玄竊觀二三君子之文章顧省竹帛之浮辭其所變易灼
然如晦之見明其所彌縫奄然如合符復析斯可謂雅達廣攬者也然猶有參錯同事相違則就其原文
字之聲類考訓詁摺祕逸謂二鄭者同宗之大儒明理于典籍稱識皇祖大經周官之義存古字發疑正
讀亦信多善徒寡且約用不顯傳于世今讀而辨之庶成此家世所訓也。其名周禮爲尙書周官者周
天子之官也書序曰成王既黜殷命滅淮夷還歸在豐作周官是言蓋失之矣案尙書盤庚康誥說命泰
誓之屬三篇序皆云某作若干篇今多者不過三千言又書之所作據時事爲辭君臣相誥命之語作周
官之時周公又作立政上下之別正有一篇周禮乃六篇文異數萬終始辭句非書之類難以屬之時有
若茲焉得從諸又云斯道也文武所以綱紀周國君臨天下周公定之致隆平龍鳳之瑞然則周禮起於
成帝劉歆而成于鄭玄附離之者大半故林孝存以爲武帝知周官末世瀆亂不驗之書故作十論七難
以排棄之何休亦以爲六國陰謀之書唯有鄭玄徧覽羣經知周禮者乃周公致大平之迹故能答林碩
之論難使周禮義得條通故鄭氏傳曰玄以爲括囊大典網羅眾家是以周禮大行後王之法易曰神而
化之存乎其人此之謂也

附釋音周禮注疏卷第一

朝散大夫行太學博士弘文館學士臣賈公彥等奉勅撰

原卷一至卷七

國子博士兼太子中允贈齊州刺史吳縣開國男臣陸德明釋文

天官冢宰第一○陸德明音義曰本或作冢宰上非餘卷放此冢宰使掌邦治亦所以撫御衆官使不失職不言司者大宰總御衆官不主一

官之事也○釋曰鄭云冢宰官者周天官冢宰使掌邦治亦所以撫御衆官使不失職不言司者大宰總御衆官不主一

宰亦能調和衆官故號大宰之官鄭又云冢宰使掌邦治亦所以撫御衆官使不失職不言司者大宰總御衆官不主一

空皆云司以其各主一官不兼羣職故言司此天官則兼羣職故不言司也若然則春官亦不言司者以其祭祀鬼神

鬼神非人所主故亦不言司也其地官鄭云象地所立之官彼言象地象地事此天官言天官取總攝爲言也無天事

之始也○大第之中處一故云第一也鄭氏者漢大司農北海郡鄭冲之孫名玄字康成注者於經之下自第已意

使經義可申故云注也孔君王肅之等則言傳傳者便可傳述若然或云注或言傳不同者立意有異無義例也

周禮

鄭氏注

惟王建國建立也周公居攝而作六典之職謂之周禮嘗邑於土中七年致政成王以此禮授之使居魯邑治天下司徒
職曰日至之景尺有五寸謂之地中天地之所合也四時之所交也風雨之所會也陰陽之所和也然則百物
阜安乃建王國焉○王如字干寶云王天子之號三代所稱惟王惟王建國○釋曰自此以下至以爲民極五句六官之
音洛水名也本洛水後漢都洛之陽改爲雒京京領反下皆同○惟王建國爲先故次言建國於中辨四方正官廟之位復體國經
無邊故首稱惟王明事皆統之於王王既位矣當擇吉土以建國爲先故次言建國於中辨四方正官廟之位復體國經
以作序之意主在設官分職爲民極耳故終章人取中以爲治體列文先後次第應然其實建國之初豈未設官分職也直
命之王乃可立國城於地之中必居地中者案尚書康誥云惟三月哉生魄周公初基作新大邑于東國洛鄭注云岐嶺
之域處五岳之外周公於政不均故東行於洛邑今諸侯謀作天子之居據鄭此言則文武所居爲非地中政教不均故
居地中也按桓二年左氏傳云昔武王克商遷九鼎於洛邑則居洛本是武王之意至成王周公時恐天下爲疑更與諸
侯謀定之也若然五帝以降堯治平陽舜治安邑唯湯居亳得地中五岳之內故鄭云岐嶺處五岳之外也○注建立至國
傳亦云六年制禮作樂所制之禮則此周禮也又云而作六典者於土中鄭注以文武受命七年而制禮作樂度於天下又案書
官禮典夏官政典秋官刑典冬官事典是者洛誥云誕保文武受命惟七年鄭注以文武受命七年而制禮作樂度於天下又案書
也又云以此禮授之使居魯邑治天下者此鄭解周公制禮必兼言建國於洛邑之意案尚書洛誥云周公曰孺子來相
宅亂爲四年新辟是使居魯邑也下云惠篤敘無有違自疾是授以此禮使行之也又案書傳云五年營成周成周與王城同時營則五年營洛邑與
公踐基作新大邑洛謂初爲基址之處至周之是以書傳云五年營成周成周與王城同時營則五年營洛邑與
孔安國爲營洛邑封康叔制禮作樂同是攝政七年異又引司徒職曰日至之景尺有五寸謂之地中彼先鄭注云土圭
之長尺有五寸以夏至之日立八尺之表其景適與土圭等謂之地中今潁川陽城地爲然天地之所合者則禮記郊特

牲云天地合萬物生計天地配合萬物以生是也四時交者則尚書云宅南交升云夏與春交舉一隅若然則秋與夏交
 冬無愆陽夏無伏陰又云風雨之所會者謂若禮記禮器云風雨時節即謂是風雨會時也陰陽之所和者謂若昭四年王國
 百物盛安之無乃立王國王國則洛邑王城是也鄭引此者破舊馬之徒建國為諸侯國此百官同序皆云建國豈王者國
 未立先建諸侯也辨方正位辨別也鄭司農云別四方正君臣之位君南面臣北面之屬玄謂考工匠人建國水地以縣置
 國乎明不可也三曰戊申太保朝于景與日入之景庚戌參諸日中之景夜考工匠人建國水地以縣置
 位成上詔謂此定宮廟中辨方正位辨別也鄭司農云別四方正君臣之位君南面臣北面之屬玄謂考工匠人建國水地以縣置
 召大音泰納人銳反古報師辨方正位辨別也鄭司農云別四方正君臣之位君南面臣北面之屬玄謂考工匠人建國水地以縣置
 反不釋者司農云別四方義當矣故康成訓之也鄭司農云朝廷之仲使得正禮之注辨康成所存注者有云三家司農之
 外又有杜子春鄭大夫者鄭少戴二鄭皆康成之先故言官不名名字杜子春非已宗故指其名也司農云正君臣之位
 君南面臣北面之屬者案易蠱象鑿度云不易者天在上地在下君南面臣北面父坐子伏司農據而云焉云謂君臣之
 是諸家不釋者又在司農諸家上注者或增成諸家義則此司農云謂在諸家下注者即解玄謂以別諸家之說也或諸家前注者
 者則此司農正位謂正君臣家下注者或增成諸家義則此司農云謂在諸家下注者即解玄謂以別諸家之說也或諸家前注者
 樂以繩縣於桀上然後從傍以水望縣即知地之高下而平之是也又云置縣以縣者既平得地欲正其東南西北之法在地曰先
 識中置一桀恐桀下不正先以縣正之東正正也又於兩交之間中屈之指樂又知南北正也仍恐不審畫參諸日中之規
 太保朝于洛極之星以正朝夕乃審矣引召誥以下者案召誥惟大保先周公相宅越若來三月惟戊申月五日召公至洛納
 也皆云越三日庚戌太保此言越三日戊申者從三月丙午臚冊明生之名月成月也則越三日戊申月五日召公至洛納
 有官廟等位未成先正君臣位乎又與匠人建國大第不合故鄭依匠人之夫及召誥之文為定宮室之位案左氏莊
 月是尋常法今建王城速述先君臣位與土功興於二月為洛邑者左傳用之也體國經野體猶分也經謂為之里數鄭司農云
 社面朝後云體猶分也干實云體形體朝直遙反左祖右社之屬經謂為之里數此謂城中也分國城之中為九經左祖右
 有井田之法九夫為井井方一里之等是也注體猶至是也釋曰言體猶分者謂若人之下並冬官考工記匠人分文彼
 經謂為之里數者此據野中而有一里之等是也注體猶至是也釋曰言體猶分者謂若人之下並冬官考工記匠人分文彼
 云營國方九里旁三門旁謂四方方三門則王城十門外之左右宗廟是陽放在左社稷是陰放在右面朝後市者三朝皆是
 緯經緯之道皆九軌又云左祖右社者此據中門外之左右宗廟是陽放在左社稷是陰放在右面朝後市者三朝皆是
 君臣治政之處陽放在前三市皆是貪利行刑之處陰放在後也又言野則九夫為井此是地官小司徒職文彼云乃井
 方其田野九夫為井井方四里為一井四井為一邑四邑為一甸四甸為一縣四縣為一都四都為一州四州為一邦四邦為一
 及四等公邑皆為溝洫法無此方里為井之事家邑小都大都二等采地乃有方里為井之屬但外曰野大摠言耳故
 文國外則曰野故謂大夫職云國中鄭據小司徒文而言設官分職司寇司空各有所職而百官舉馬設官分職
 體國經野此須立官以治民故云設官分職也注鄭司農至事舉一舉曰此謂設天地四時之官即六卿也既有其官
 須有司職故云各有司職職謂主也天官主治地官主教春官主禮夏官主政秋官主刑冬官主事六官官各六十則合

